

In barat inspirant

Ina classa bilingua da la Scola chantunala è sa participada ad ina scuntrada internaziunala

■ (anr/ac) Il barat internaziunal pussibilità ils davos dus onns ad ina da las classas rumantschas da la Scola chantunala ha purtà interessentas invistas ed experienzas. La cumparaziun cun scolaras e scolaras da divers pajais europeics ha tradi l'auto cumpetenza linguistica da scolaras e scolaras rumantschs che frequentan las classas bilinguas da la Scola chantunala.

Christopher Fannin, l'antier scolast d'englais da la classa 6Gc, ha accompagnà da cuminanza cun il scolast da classa Werner Carigiet l'inscunter da scolaras e scolaras cun quatter da tschintg scolas gimnasialas en divers pajais europeics. Scolas che sa fatschentan en ina moda u l'autra cun l'instrucziun dad ina lingua minoritara. E Fannin ha ludà las cumpetenzas linguisticas da ses anteriurs scolaras e scolaras en il dialog cun las scolaras ed ils scolaras gimnasialas dals ulteriurs pajais europeics. En la comunicaziun saja sa mussà l'aut nivel da la cumpetenza linguistica englaisa da scolaras e scolaras da la classa bilingua. Il rector da la Scola chantunala, Gion Lechmann, ha menziunà la mesemna passada a Cuir che la scola chantunala saja cunscenta da la valur da la lingua englaisa en la comunicaziun e promovia era l'instrucziun. L'aut nivel linguistic da scolaras e scolaras da las classas bilinguas rumantsch/tudestg attribuescha el a la scolaziun bilingua ch'augmenta la sensibilitad linguistica da scolaras e scolaras e stgaffeschia ina buna basa per emprender ulteriuras linguas. Fatg part da l'inscunter internaziunal han las scolaras Asa S. Hendry e Lina Camenisch ed ellas han tradi dad avair cumenzà cun



Sin visita a Wales: La delegaziun da la Scola chantunala cun Werner Carigiet, Naomi Arpagaus, Gianna Caprez, Chiara Caspers, Anna Bärtsch e Christopher Fannin (da san.).

MAD

l'instrucziun englaisa en scola en la settavla classa.

Inscunter cun quatter da tschintg pajais

Part da l'inscunter internaziunal han, sper la Scola chantunala, mintgamai fatg in gimnasi da la Finnlada, la Scozia, dal Wales, da la Pologna e l'Italia. Tut ils gim-

nasis sa fatschentan en ina moda u l'autra cun l'instrucziun dad ina lingua minoritara. Mintgamai quatter scolaras e scolaras cun il scolast han pudì visitar ina da las scolas. Las duas scolaras Hendry e Camenisch han discurrì dad interessants inscunters cun scolaras e scolaras dad auters pajais e dad avair retschavi ina fundada invista en la situaziun dad ulteriuras cumi-

nanzas pitschnas. Ed uschia era dapli cunschianza davart l'atgna situaziun minoritara. Per il rector Gion Lechmann porscha il contact persunal denter scolaras e scolaras dad autras minoritads in maletg realistic da la situaziun e saja da valetar bler pli aut che l'instrucziun teoretica. Pussibilità la scuntrada internaziunala che sa numna Champions of Languages minorities ha il

program da formaziun Erasmus da l'Uniu europeica. In program che na cumiglia betg sulet inscunters sin nivel universitar, sco quai che Nadine Habegger da l'instituziun Moventia ha accentuà ier a Cuir. Il program pussibilescha era contacts sin nivel da la scola media u entaifer la scolaziun professiunala. Damai che la UE ha exclus la Svizra dad Erasmus finanziescha la Svizra il barat. Moventia ha era pussibilità a la Scola chantunala da sa participar a la scuntrada internaziunala.

Senti da betg esser da la partida

Inchantà dal barat internaziunal è stà il scolast da classa Werner Carigiet. Senti ha el durant las preparativas per l'inscunter dal Champions of Languages minorities che la Svizra n'è betg commembra da la UE. A l'entschatta haja la Scola chantunala retschavi sulet il status dad in accumpagnader senza vusch. Durant ils contacts saja quai lura sa midà svelt. La situaziun da l'instrucziun da linguas minoritaras saja fitg differenta en ils divers pajais e scolas, ha ditg Carigiet. En la scola gimnasiala en la Pologna vegnia la lingua da la minoritad caschuba instruida sulet sco lingua estra. La situaziun rumantscha saja paregliabla cun la minoritad valisa en il Wales u gelica en la Scozia. Nagliur haja el dentant chattà ina instrucziun bilingua dad ina lingua minoritara cun ina lingua principala sco quai che la Scola chantunala porschia. Carigiet è presvadi che quel model fiss applitgabel en ulteriurs pajais. Tant pli deplurescha el che la sentupada a Cuir da tut ils scolasts involvads en il project n'è betg vegnida realisada, almain enfin uss betg.